



**Ethica Symbolica E Fabularum Umbris In Veritatis Lucem  
Varia Ervditione Noviter evoluta**

**Pexenfelder, Michael**

**Monachii, 1675**

2. Djana inferæ cultrices sagæ. an plures benefici, an beneficæ?

---

[urn:nbn:de:hbz:466:1-68709](#)

extrema pars calcei lunulam referebat; ut illo symbolo nobilitatis & excellentiae, memores redderentur inconstitiae rerum humanarum, ait Plutarchus quæst. Rom. 76. 8. Proverbio fertur: *Lunam de cœlo detrahere.* Quod sibi singunt, qui non intelligunt, quid sit lumen Lunæ obstatculo terræ obtenebrari. Convenit in eos, qui ubi Deus aliquem rebus adversis exercet, & quasi obscurari & deficere permittit, continuo sibi persuadent, Lunam esse de cœlo detraictam, actum esse de felicitate & salute hominis, sed splendidè falluntur; ut falsi sunt amici Jobi, eternas viri patientissimi iram divinam interpretantes. Nam, ut ipse met de se testatur cap. 11. *Cum te consumptum putaveris, orieris mane ut lucifer.* 9. (c) Endymionem, puerum pastoritum Luna adamabat; eique à Jove impetravit, ut quidquid is optässet, obtineret. Optavit Endymion, ut perpetuum dormiret somnum, sub Cariæ montis specu abditus. Inde adagium: *Endymionis somnum dormis.* In eos quadrat, quorum tota vita & voluptas est otium & somnus. Cicero lib. 5. de fin. differens, id maximè, ait, nobis insitum esse à natura, ut agamus aliquid: itaque ne si jucundissimis quidem nos insomniis usuros puteamus, Endymionis somnum nobis nolimus dari, idque si accidat, mortis instar putemus. Simile huic adagium est: *Vltra Epymenidem dormis.* Fuit is poëta Epicus, patria Cretensis, qui puer à patre in agrum ad pecus custodiendum missus, in quodam antro obdormivit septem & quinquaginta annis. Plin. lib. 7. c. 52. Applicatur hoc Sophistis & vanis Dialecticis, qui tantam inanum somniorum, distinctionum, divisionum, præcisionum, captionum copiam invexerunt in orbem, ut longissimo sit opus, & plurimorum annorum somno ad eas species agitandas. Chilias. 10. Luna cum suo fusione matrem refert, nimis molliter filio indulgentem, cui pœnam pro munere poscit à diis, cùm sanum magis & adipatum somno corpus, quam sanam petit mentem. Peccavit etiam Epimenidis pater, *Agiasarchus* nomine, quod filium ad custodiā pecoris missum, negligenter conquerierit, & à somno non excitārit. Plurimorum hæc culpa parentum est; qui parūm habent sibi curæ, quid sex, septem, & amplius annis filius in scholis proficiat, quomodo rerum suarum satagat, an plus temporis somno & desidia, quam studiis & labori impertiat; modò niteat pueri cuticula, & pinguescat Epicuri de grege porcellus.

II. (d) Hæc de Diana, quatenus appellationem & officium Lunæ habet. Nunc consideremus eam, ut reginam apud inferos agentem, noménque *Proserpina* & *Hecates* obtinentem. De Proserpina egimus.

fymb.

(c) *Somnolentia.* (d) *Diana inferæ seu Proserpina, aut Hecates, cultrices sagæ & frigoris.*

symb. 27. & 79. Modò de Hecate fabulemur; quæ sic dicta est, quod centum victimis placetur, aut quòd centum annos errare faciat insepultos. Tergeminā nuncupatur, quod tria habeat, ut diximus capita, canis, equi, apri. Noctis alii filiam fuisse volunt, alii Cereris. Hanc terribilem aspectū, prœeritatēque corporis, vel ad dimidiī mensuram stadii, excurrentis; pedesque habuisse ad serpentis formam, & vultum Gorgonum figuræ similem, Poëticis tabulis traditur. Pro cœna, densissimi dracones & viperæ visebantur; quarum aliæ in cincinnorum modum contortæ, aliæ collum amplexatae, aliæ per humeros sparsim demissæ, ut Lucianus testatur. Canes eam plures sequebant latrantes & rabiendi; eidem deinde immolari soliti. In triviis ei cœnam exponebant opulentii, quod sub noctem absument pauperes; tanquam Hecate comedisset. Unde *Hecates cena* in adagium abiit, quòd esset sordida & præparca; in qua scilicet malua, porrum, fabæ apponebantur. Proverbiò quoque dicitur: *Hecata sacrum facere*, id est, inanem & sine fructu sumptum facere. Siquidem in hujus deæ sacris, ii qui cœnam inferebant, ipsi nihil inde degustabant, nec quidquam auferebant, præter tumultum & fumum, ut inquit in *Symposiacis* Plutarchus. Prærat autem Hecate beneficiis, & invocabatur ab exercentibus artem magiam. Ejus sacrificiis peractis, apparebant spectra quædam, quæ *Hecata nominata*, eaque in varias formas se convertebant. Reperit hæc dea aconitum, venenosissimam herbam. Mulieres illi cum ululatu sacrificabant, & hæc magistrâ discebant fluviorum cursus retrò vertere, seges aliò transferre, montes in profundum deicere, astra de cœlo deducere, tempestates ciere, & varias pestes in homines ac bestias spargere. Unam ejusmodi aliquam, quales etiam hodie de nocte volatum per aëra exercent, depingit Ovidius lib. I. Amor. eleg. 8.

Est quædam (quicunque volet cognoscere sagam,

Audiat) est quædam nomine *Dipsas* anus.

Ex re nomen habet: nigri non illa parentem

Memnonis in roseis sobria vidit equis.

Illa magnas artes, æxæque carmina novit,

Inque caput, liquidas arte recurvuat aquas.

Scit bene, quid gramen, quid torto concitæ rhombo.

Licia, quid valeat virüs \* amantis equæ.

Cùm voluit, toto glomerantur nubila cœlo:

Cùm voluit, puro fulget in orbe dies.

LIII 2

San-

\* Hippomanes.

Sanguine (si qua fides) stillantia fidera vidi,  
 Purpureus lunæ sanguine vultus erat.  
 Hanc ego nocturnas versam volitare per umbras  
 Suspicor, & plumâ corpus anile tegi.  
 Suspicor, & fama est: oculis quoque pupula duplex  
 Fulminat, & geminum lumen ab orbe venit.  
 Evocat antiquis proavos atayosque sepulchris,  
 Et solidam longo carmine findit humum.

Hoc genus mulierculæ, quæ multæ, quæ maleficæ sint, ostendit  
 Delrio in Disquis. Mag. Illæ cum Hecate in varias figuræ & spectra  
 abeunt; tot viperis & serpentibus cinctæ, quot nocendi cupiditatibus  
 correptæ. Cum Luna ipsis est negotium, nam striges de nocte volant.  
 Stipantur rabidis canibus, id est, orcinis spiritibus, à quibus in varia  
 beneficiorum genera impelluntur. Tria habent capita, equinum, cani-  
 num, aprinum; quia in his, & aliis bestiarum formis aspectabiles se præ-  
 bent. In feles non raro, bubones, picas se vertunt, ut docet exemplis  
 P. Georgius Stengelius tom. 2. de Judiciis diu. c. 60. & tom. 3. c. 64.  
 Quo in loco inter alia, hoc narrat. Fui, inquit, in loco, ubi juvens  
 studiosus, cum animi gratiâ nescio quod vellet equitare, ocreas situ  
 marcidas in culinam extulit: ibi laridum quærens, quo eas inungeret,  
 emollirètque; incidit propè focum in angulo quodam in ollulam pin-  
 guedine ignota plenam, quam ad ocreas perungendas aptissimam arb-  
 tratus, corio alterius ocreæ strenue infriuit. Quam ubi adipe jam Sa-  
 turatam putavit, non procul à prunis in foco depositus, ut concalefacta  
 unguen magis imbereret. Interim dum ocrearum alteram arripit, iti-  
 dem omento imbuendam, prior illa, quasi calorem sentiens, & ab igne  
 animata, cœpit à se moveri, erigere cervicem, & repente de foco per  
 caminum evolare; quam nulla yociferatione juvenis potuit retinere, aut  
 ad se revocare. Nempe ea ipsa ollula, erat ad furcam ungendam de-  
 putata. Hæc ille vir eruditus & religiosus. Dignissimæ profectò sunt  
 istæ, Hecates pedisequæ, quæ paranympno carnifice, tædam præferente  
 Vulcano, fertum è viperis & serpentibus imponente. Tisiphone, epitha-  
 lamium canentibus bubonibus, thalamum è pice & stramine adornante  
 Hecate, tanquam Pronuba, reclinentur super struem ligneam, & per il-  
 lustrem rogam subvolent cum fumo in regiones illas, quas antea super  
 bicorni rutabulo, aut substrato hircos inequitarunt.

(e) Hic quæstio (ut hoc εἰ παρέδω) movetur Ethica, plurēsne sint  
 vene-

(e) An plures benefici an beneficia.

veneficæ , an benefici ? Respondet Cornelius à Lapide in cap. 12. Prov. v. 4. Plures esse veneficas. Rationem addit: Quod mulieres sint timidae & imbecilles , quæ quod vi & robore nequeunt , hoc fraude & veneficiis peragunt ; non aperto Marte , sed ex insidiis inimicos appetentes & per dentes. Et verò paupertina Hecates cœnula non paucas ad desperatio nem agit vetulas , suadētque nocturnas volitare per umbras , penetrare cellas , & inempto vino se ingurgitare.

III. Restat , ut aliquid de Diana Venationum Præside dicamus. Hæc ob virginitatis amorem fertur hominum consortia fugisse , & , ut à se libidinis pruritum amoveret , venando silvas incoluisse , paucarum virginum comitatu contentam. Quanquam non desunt , qui comites ei sexaginta nymphas adjungunt. Sed & Oreades , id est , deæ montium eam sequuntur , glomeranturque , cùm illa choros exercet ; quia montes omnes in potestate Dianæ sunt. Quæ nisi venabatur , saltare videbatur. Unde adagione fertur : πότερον Ἀργείων εὐηγέρευες ; quando Diana non saltat ? Arcum ferebat & pharetram , succincta semper incedens , & cothurnis suffulta. Æneid. 2.

Virginis os , habitumque ferens , & Virginis arma.

Quam ob causam vocatur à Poëtis innupta , intacta viro quæ

Nec quid Hymen , quid amor , quid sint connubia , curat.

Virginitatis amorem non tantum ipsa intemerata colit , sed socias circa se habet virgines , quas sic alloquitur :

O sociæ , mecum thalami quæ jura perosæ ,

Virgineo gelidos percurritis agmine montes ,

Expertes thalami .

(f) Quod indicatur , egregiam castimoniam imaginem fuisse in Diana expressam . Nam i. fugiebat hominum consortia , & in altis montibus frequens versabatur , ubi purior cæli haustrus , & minus à malorum contagione periculum. Romanus sapiens epist. 7. Inimica , inquit , multorum est conversatio. Nemo non aliquod nobis vitium aut commendat , aut imprimis , aut nescientibus allinit. Similis est castitas vasculo crystallino ; minimo allisu frangitur. Diana perniciitate pedum valuisse fertur. Pudicitiam tuentes pedes fugaces : Venus fugiendo vincitur. Quærit illa ex Cupidine apud Lucianum , cur saltem Dianam suis non figat jaculis ; siquidem Musas & Minervam non possit ; cui Cyrius responderet puer : Hanc ego reprehendere nequeo , quippe perpetuò per montes fugitatem . Deinde alterius cuiusdam Cupidinis illa tenetur amore , nem-

LIII 3

pe

(d) Diana , Caſtitatis exemplar .